

ՔԱՆԱԿԱՆԵՐ

ԳՐԵՑ

ՅՈՎՀԱՆՆԷՍ ՇԻՐԱԶ

Գառն ինչո՞ւ էս յօշոտում,
ի՞նչ մեղք ունի, բորենի. —
— Գառն ինչո՞ւ է խոտն ուտում,
Մի՞թէ խոտը մեղք ունի...

* * *

Լոյս բխան մարմար քարէն,
էն լոյս բխան մարմար քարէն
Տեսնես էլի լոյս կը բխի՞
էն Մարութա բարձր սարէն...

* * *

Դու Հայոց լեռ իմ Արարատ,
Շղթայուած ձեռ, իմ Արարատ,
Հաղարածեռ քո յոյսը լոկ
Ազգն է անմեռ, իմ Արարատ...

* * *

Յոյսի ուղտը թէ՛ աւազի վրայ է,
թէ՛ նոր կեանքի ուլասիսի վրայ է,
իմ սիրտն էլ է Մասիսի պէս դեռ գերի՝
Քանզի սիրտս միշտ Մասիսի վրայ է:

* * *

Մեծ էս հոգով, մտքով, երզով,
Բայց թուով էլ դարձիր մեծ,
Որ քեզ փրկես դու քո ձեռքով
Գայիքներում հողմածեծ...

* * *

Կեանքս գերի մնաց գրին,
Գերի մնաց քո երգերին,
Ազգ իմ, սիրտս՝ երգիս մէջ էլ՝
Գերի մնաց քո վէրքերին...

* * *

Ես իշխանն եմ Սեւանի,
Ինձ Սեւանից մի՛ հանի,
Թէ՛ ինձ օտար ծով դցես՝
Ես չեմ մնա կենդանի:

* * *

Այգին դու ես, դուռն էլ դու,
Իմ դրախտի նուռն էլ դու,
Այգեպանն էլ դու ես, վա՛խ,
Սիրտս խրված թուրն էլ դու:

* * *

Էլ ի՞նչ հայ,
Էլ ի՞նչ աղիղ, էլ ի՞նչ հայ,
Երբ չես խօսում հայերէն՝
Էլ ի՞նչ Մասիս, էլ ի՞նչ հայ:

* * *

Սիմ, Սիփան ու Սիս կ'ուզեմ,
Մարսը ձեզ, Մասիս կ'ուզեմ, —
Լուսինը թող ձեզ մնայ, —
Արեւը ազգիս կ'ուզեմ...

* * *

Այնքան հեշտ են բխում երգերս իմ սրտից,
Որ թուում է, թէ բխում են լոկ ստից,
Այնինչ՝ նրանք իմ արիւնով թաթախուած
Ճշմարտութեան հանուած աչքերն են անբիծ:

* * *

Երազիս մէջ Վանայ ծովը, Սասունն ու Վանը տեսայ,
Ապարանջան աղբիւրներս նորից մեր տանը տեսայ,
Ելա Մասիսն համբուրեցի, բայց երբ խինդից զարթնեցի՝
Լացի... քանզի միայն մի բուռ լացող Սեւանը տեսայ:

* * *

Դարս ինձ հետ, ես դարիս հետ խռոված,
Սրտանց սիրած աշխարհիս հետ խռոված՝
Ո՞ւմ հետ կիսեմ անանձնական ցաւերն իմ,
Որպէս մօրս ու եարիս հետ խռոված:

* * *

Թէ սեւ ամպեր, թէ կայծակներ բիւր՝ անցան,
Քո կամուրջով հրեշտակներ լուռ անցան,
Ամուր դրկէ՛ զօրաւոր մէջքն Աստծու,
Ո՛վ ծիածան, հաւատներս ո՞ւր անցան...

* * *

Ես եմ միակ խենթ իմաստունն ու անկեղծը իմ դարի,
Սիրտս բացող, իրաւն ասող միակ մեծը իմ դարի,
Ահա ինչո՞ւ միայն ես եմ դահլէյցուած՝ քարկոծւում,
Ես եմ միակ ամենամեծ բանաստեղծը իմ դարի:

* * *

Մարդ կայ կեանքին վարդաստան է, մարդ կայ՝ խար,
Մարդ կայ՝ աղղին վեր կը տանի, մարդ կայ՝ վար,
Վեր անողիս շատ վար գցեց բախտը կոյր,
Վար տանողին վեր տանելով անդադար...

* * *

Աշխարհացիւր ծաղիկներս համբուրում՝
Արազի պէս զոյգ ափերս համբուրում,
Անց եմ կենում պատգամելով՝ հա՛յ կացէք, —
Էլ չեն ահի արցունքներս համբուրում...

* * *

Բոլորը խաբում են՝ բոլորից խաբուած,
Բոլորից խաբուեցի ես նորից խաբուած,
Բոլոր բառն, իրաւ է, տեղին չէ, մայր իմ,
Զկայ մէկն աշխարհում իր մօրից խաբուած:

* * *

Վանայ ծովն է՝ դադանի թէ յայտ՝ իմ լացածը՝ Մասիսին,
Հաւատում եմ՝ թէկուզ դիպչի Արադածը Մասիսին,
Հազար տարի յետոյ էլ դեռ, Երուսաղէմն ինձ վկայ,
Պիտի ծաղիկի Հայոց դահլ, Հայոց հացը Մասիսին...

* * *

Կամ թէ չկամ, աղբեր, մէկ է ձեզ համար,
Այն ինչ՝ կեանքս վշտաբեկ է ձեզ համար,
Ես կ'ուզէի չլար մայրն էլ ստիսիս,
Այնինչ դաւը կեանքի դէկ է ձեզ համար...

* * *

Ձեռքերը դնում են, հետքերը մնում,
Վէրքերը դնում են, երգերը մնում,
Խօսքերով խոցուածին բալասան չկայ,
Զօրքերը դնում են, խօսքերը՝ մնում:

* * *

Ատոմը լոյս, ամէն ինչ է լինելու,
Քանի դնայ՝ կեանքը ջինջ է լինելու, —
— Սիրտ իմ, ջինջը դու երազում կը տեսնես,
Դու վերջն ասա, վերջը ի՞նչ է լինելու...

* * *

Միտքս վշտիս պէս խորունկ է, ի՞նչ ասեմ,
Թէպէտ խորունկ մի ծերունի է, ի՞նչ ասեմ,
Իմաստուններ, բիւր դարեր էլ յետոյ դաք՝
Աշխարհն էլի հանելուկ է, ի՞նչ ասեմ...

* * *

Յամաքում է, ետ է քաշում Սեւանը,
Ետ է քաշում, սիրտս մաշում Սեւանը,
Ետ քաշուելով՝ չիրմի տեղ է ինձ բացում, —
Ձանդուի թուրն է վրաս քաշում... Սեւանը:

* * *

Որտեղ հայ կայ՝ բերէք սեղմեմ իմ կրծքին,
Թէ պանդուխտ է՝ վիշտը սեղմեմ իմ կրծքին,
Թէ Մասիսն է՝ ինձ Մասիսին կը թաղէք,
Որ յաւիտեան սարս սեղմեմ իմ կրծքին:

* * *

Իմ սխալներն իմ դարինն են, իմը չեն,
Մշտասխալ աշխարհինն են, իմը չեն,
Ինձ ցաւ տալով՝ իմ դարն իրեն միշտ ներեց,
Բախտ ու ծիծաղ միշտ չարինն են, իմը չեն:

* * *

Այնքան նայեց մայրս Հայոց դարերին՝
Հայոց ոտքը դարեր արնոյ քարերին,
Ա՛խ, ճերմակեց՝ վաղ ճերմակած որդու պէս,
Երբ որ նայեց գերի Մասիս սարերին...

* * *

Առանց հողի՝ դու ո՞ւր պիտի ծաւալուես,
Այս նոր կեանքի արեւում էլ կը վառուես,
Ա՛խ, կը վառուես, թէ մի-երկու ծառ մնաս, —
Մի բուռ հողում, աղբ իմ, ի՞նչպէս անտառուես...

* * *

Ինձ միշտ վարը՝ ծաղիկի բոյր է սպասում,
Վարն՝ ամէնուր՝ ինձ համբոյր է սպասում,
Վերեւներում՝ աղբ ու վարից կտրուած՝
Ինձ դաւերի դադանաթուրն է սպասում...

* * *

Հայե՛ր, Հայոց վայերի դէմ վայ կացէք,
Միշտ հայ կացէք, մեծ վարդանին թայ կացէք,
Մասիսի պէս չլթայուէք էլ չորս կողմից՝
Հայակերի երախում էլ հայ կացէք...

* * *

Մրմունջներս ու կանչերս դուր անցան,
Սրտիս լացից անուրջներս կուրացան,
Ինձ չնայող սիրունների աչքերը
Սրտիս միջով որպէս արնոտ թուր անցան...

* * *

Զոյգ աչքերս օթեւանն են մարդկութեան,
Մէկս տունն է իմ հայ աղբի յաւիտեան,
Միւս աչքս տունն է բոլոր աղբերի, —
Յօնքերիս պէս դռնապան եմ երկու տան:

* * *

Անչեղ եմ ես, ճամբիս ոչ մի շեղ չունեմ,
Դարիս մեղքում մի կաթիլ էլ մեղ չունեմ,
Մեղքի ծովը երկրէ երկիր ման կու դայ, —
Մինչ անմեղս մի ոտի էլ տեղ չունեմ...

* * *

Ես էլ գինի չատ չեմ ըմպել, ով խայեամ,
Բայց կարծում են ինձ էլ գինու ծով՝ խայեամ,
Զլինի՞ թէ բամբասանքից հարբում են,
Որ ինձ խայեամ են յորջորջում, ո՛վ խայեամ:

(Շարունակելի)